

DE

# FLVXVS HÆ- MORRHOIDALIS PROVOCATIONE,

QVAM,

FAVENTE DIVINO NVMINE

ET

GRATIOSÆ FACVLTATIS MEDICÆ CONSENSV,

P R A E S I D E

DN. D. MICHAELE ALBERTI,

POTENTISS. REGIS BORVSSIÆ CONSILIARIO AVLICO,  
MEDICINÆ ET PHILOS. NATVRAL. PROFESSORE PV-  
BLICO ORDINARIO, ACAD. CÆSAR. NAT.  
CVRIOS. COLLEGA,

FACVLTATIS MEDICÆ DECANO SPECTATISSIMO,

PATRONO, PRAECEPTORE AC PROMOTORE SUO  
SVMMOPERE DEVENERANDO,

## PRO GRADU DOCTORIS

Summisque in arte Medica Honoribus, Insignibus ac Pri-  
vilegiis More Majorum Solenni obtinendis,

*Horis ante- & pomeridianis*

ANNO M DCC XIX. D. OCT.

Publicæ ventilationi submitter

AVCTOR & RESPONDENS

### ANDREAS HERRMANN,

Neofolio - Hungarus.



EXCELLENTISSIMO, EXPERIENTISSIMO,  
DOMINO  
CAROLO OTTONI  
MOLLER,  
MEDICINÆ DOCTORI,  
INCLYTI COMITATVS ZOLIENSIS,  
*nec non*  
LIBERAE REGIAE MONTANAEQVE CIVITATIS  
NEOSOLIENSIS  
PHYSICO ORDINARIO,  
ET  
PER PLVRES HVNGARIAE COMITATVS  
PRACTICO CELEBERRIMO,  
PATRONO, FAVTORI  
& AMICO SVO

*Tenue hoc studiorum specimen dedicat*

AVTOR





## THESIS I.



E prouocatione fluxus hæmorhoidalis locuturus, quid hoc nomine intellectum velim, ante omnia indicare necessarium duxi. Comprehendo sub nomine fluxus hæmorhoidalis, excretionem sanguinis sinceri ex Intestino recto, ratione motus & exitus duplicem; nimirum ex Vena hæmorroidali interna propagine Venæ Portæ, in nonnullis Rami Splenici, & Vena hæmorroidali externa, ex ramis Iliacis internis, & quidem earum ramificatione hypogastrica propaginibus Venæ Cauæ, utrisque in Intestinum rectum excurrentibus, & diuersa via, tum Venam Portæ, tum Cavam, deplentibus: Per prouocationem autem excretionis huius in subiectis eandem nondum expertis nouam inductionem, distinctam a promotione, hæc enim magis in subiectis, quæ fluxu hoc ad tempus carent, antea tamen actulaborauere, locum habet.

## Th. II.

Contingit hæc exctetio partim actiue, dum Natura sponte, concessis sibi a Creatore viribus & in œconomia



Vitali solitis modis eandem molitur, aut per varia media & occasiones ad suscipiendum ipsam sollicitatur: partim passivæ, ubi per indirectum sanguis exprimitur, atque imposterum Naturæ via & occasio suppeditatur, ut levi de causa ad pristinum recurrat actum, exitum eundem affecerit, & si maxime eum non adsequitur, attamen sedulo moliatur, sub repetitisque motibus illi adsuescat.

### Th. III.

Quod subiecta attinet: Sexus uterque hæmorrhoidum fluxui expositus est, Virilis tamen præ Sequiore. Internarum plerumque subiecta siccioris, externarum vero spongiosioris corporis habitus, in ætate Iuvenili & Virili constituta, experiuntur. Sæpe externæ in internas, & quod rarius fit, modo absit peruersa medela, internæ in externas degenerant. Nonnunquam utrasque in uno eodemque subiecto, ex hæreditaria quoque dispositione ætati & habitui corporis minus proprias, inuenimus.

### Th. IV.

Ad amplum causarum iam digredior campum, inter quas primum sibi vindicat locum hæreditaria dispositio, hæc si ullibi, certe in hæmorrhoidali negotio manifesto deprehendi solet. Presso hanc sequitur pede Plethora, non simplex vero, sed commota, quo pertinent reliquæ sanguinem commouentes & naturam ad excretionem in certo loco suspiciendam inuitantes causæ: ut Ira, abusus Veneris, aromatum, spirituosorum, purgantium drastico- rum, clysterum & suppositoriorum acrium, equitatio nimia, alui durities graui exonerationis nisu stipata, partus difficilis, tormina grauia & tenesmus, quæ dum non modo vias, sed & humores afficiunt, excretioni hæmorrhoidali inducendæ inseruiunt.

Th.



Th. V.

Causis præcedente Thesi prolatis, annumeravi ab-  
usum Veneris, quoniam non solum sanguinem commo-  
vet, sed & vias, ob communem ortum vasorum venoso-  
rum membri virilis & hæmorrhoidalium exteriorum ex  
Iliacis internis, afficit, duplici documento: etenim vere  
Venerea lue inquinati, peculiare quasdam commotio-  
nes & ulcerationes in hæmorrhoidalibus locis circa exitum  
intestini recti subeunt; Eunuchi autem bene monente  
Hippocrate Aphor: Sect. VI. §. 28. Podagra non laborant,  
quæ cum hæmorrhoidibus externis conspiratione & con-  
nexionem inuictam habet, harumque emanentem aut  
impeditum fluxum communiter sequitur.

Th. VI.

Nec obliuioni tradendæ erunt obstructiones, stri-  
cturæ & stases Scirrhusæ Epatis, quæ excretionem san-  
guinis hæmorrhoidalem post se trahunt; etenim sic con-  
stitutis rebus, denegato per Epæ ex Vena Portæ transitu,  
sanguis ad Venam hæmorrhoidalem regurgitans, effluit,  
quod si statim in initio fit, salutare, tardius vero & con-  
sumtis iam viribus lethale esse solet, exemplo excretionis  
hæmorrhoidalis in hectica & hydrope consumatis contin-  
gentis, quo sensu non damnanda est plebis obseruatio,  
quod si tales sanguinem deicere incipiant, res conclama-  
ta sit.

Th. VII.

Vtilitatem huius fluxus suo iam deprehendit tempo-  
re Hippocrates, nam Aph. Sect. IV. §. 25. fluxum sangui-  
nis deorsum bonum pronunciat, & quod Melancholiam,  
Maniam & Nephritidem soluat. Sect. VI. §. 11 & 21. a pleu-  
ritide, peripneumonia, furunculis, lepra, vitiliginibus



præseruet, sideratis utilis sit: Imo quod recentiores exactius deduxere, Internus, affectibus hypochondriaco-splenico hysteris, cardialgico, colico, flatulentis, &c. Externus, Nephriticis, Arthriticis & huius speciebus, Gonagricis, Podagricis, Ischiadicis, medentur: qua in re prolixior esse nolo, cum satis superque a Præceptoribus meis nunquam non venerandis: Illustri Stahlio, Confiliario & Archiatro Regio, in Dissertationibus De Vena Portæ, Porta malorum; Motu hæmorrhoidali in & externo: Sanguifugarum vtilitate &c. & Consultissimo Domino Præsidente: De hæmorrhoidibus longæuitatis causa, & pluribus aureis hanc in rem scriptis, deducta sint.

### Th. VIII.

Hæc permouit quosdam recentiorum Physiologorum, vt, cum deprehenderent, fluxum hæmorrhoidalem eodem niti fundamento, quo fluxus menstruus, nempe plethora, utrumque e Vena Portæ prodire, loco exonerationis solum variare demonstrarent, suppressum aut impeditum similes turbas in sistemate Venæ Portæ & visceribus annexis subsequi, eum non quidem in totum, quoniam nec apud omnes promiscue, nec adeo ordinate vt menstrua succedit, præterea hypothesi de Communione Venæ hæmorrhoidalis internæ cum Cervice præcipue, vt & ex parte cum Vagina Vteri adhuc vltiori obseruatione requirente excretio Sanguinis menstrui ex Vena Portæ nondum satis cognita sit (iuxta Theses Anatomico Physiologicas De Vena Portæ, Celeberrimi apud Argentoratenses Anatomie Profess. D.D. Salzmanni, qui cum omni adhibita solertia, plus vna vice in subiectis muliebribus, iunctis etiam liquorum iniectionibus, nondum adhuc Venæ hæmorrhoidalis internæ progressum ad vterum eius-



eiusque partes, quem plures alii Anatomici allegant, inueniret, turbas illas potius ex aliqua anastomosi rami Venæ hæmorrhoidalis internæ cum externa in Sphinctere ani deducit) attamen aliquo respectu euacuationi non naturali annumerarent, quam & fieri debere, & quando non fit durationem corporis lædere.

Th. IX.

Eodem ex vtilitatis fonte motam inueni quæstionem, Dissertatione De hæmorrhoidum Internarum motu: An hæmorrhoides adsuæfactas oppugnare & in totum percurare integrum sit? Mihi aliam ventilare placet: An & quibus subiectis fluxus hæmorrhoidalis prouocandus sit? atque in hac decidenda quid debiles valeant humeri experiri.

Th. X.

Nota est Mich: Scoti adsertio de Iudæis, quod ex Diuina quadam vindicta hoc effœminato laborent fluxu, & quamuis quæ Galenus, Aetius, Riuerius & alii, de euacuatione hæmorrhoidali proferunt, quod imbecillitatem totius corporis, miseram vitam, periculosissimos morbos, atrophiam, cachexiam, hydropem, inducat, multos vita priuet, de excessu vel defectu eius dicta esse, quilibet exactius ponderando & trutinando animadvertet: tamen cum vix sine molesto sensu, torminibus, angustis, pressionibus & tensionibus circa hypochondria & crucem, vtpote quasi essentialibus indiuiduis hæmorrhoidum Symptomatibus, ac sic motuum qui vitæ & sanitati præsumt aucto gradu & alteratione succedat, unde rectissime hoc sensu a Foresto L.23. Obs.III. Salutare malum nuncupatur; iure meritoque cum Consultissimo Friderico Hoffmanno Præceptore meo nunquam non colen-



colendo sentio, excretionem hæmorrhoidalem in morborum quamuis leuiorum numerum referri debere, & vtiq; omnes qui ea detinentur, morbo licet leuiori obnoxios esse.

### Th. XI.

Dixi in antecedentibus, hæmorrhoidum internarum fluxum, ex Vena hæmorrhoidali interna, in Intestinum rectum excurrente, cuius inferiorem partem Spithamæ circiter longitudine ambit, & profundius interiorem eius partem perreptat, prodire; externarum vero ex Vena hæmorrhoidali externa, quæ itidem ad intestinum rectum excurrentis eius orificio inserta est; hinc euenit, vt ob commodiorem insertionem & situm, internæ facilius externis succedant, quæ vix vnquam sine externis adminiculis ad expeditiorem pertingunt successum: interim vtriusque excretionis incertus & anceps manet successus, siquidem a leuissima causa occasionali turbantur, & lernam malorum, grauissimis morbis corpus humanum affligentium post se trahunt, a quibus homines excretionem hac destituti, & liberi & absque periculi metu viuunt.

### Th. XII.

Dum itaque fluxus hæmorrhoidalis, iuxta Th. X. in morbidum homines conicit statum, iuxta Th. XI. semper dubius & anceps est eius successus, turbatum grauia comitantur mala, sana suadet ratio eundem non prouocandum esse, sed molimina eius potius desuefacienda. Atque sic satisfactum a me autumo, quæstionis motæ primæ parti. Causæ suæ Patronum videant vbi nanciscuntur, qui indiscretim fluxui hæmorrhoidali & hunc comitantibus periculis homines exponere non dubitant.

### Th. XIII.



Th. XIII.

Quod ad alterum quæstionis prolatae attinet membrum: Dixi quidem thesi præcedente, ob varia ibidem relata incommoda & pericula fluxum hæmorrhoidalem nemini inducendum esse: Ast quoniam bene notante Manilio omnes Artes adeoq; & Medicam Experientia fecit, exemplo monstrante viam, docent hæc in quotidiana nos Praxi, quod in quibusdam casibus ad euitandos grauiore & periculosiores morbos affectus & effectus, hæc excretio prouocari debeat: etenim e duobus ineuitabilibus malis, satius & rationabilius est, subire minus. Quando itaque cuiquam grauior imminet morbus, pro auertendo hoc, bona conscientia leuiori exponitur. Mearum iam erit partium in quibus subiectis id vtile ac necessarium sit, ostendere.

Th. XIV.

Indicat prouocationem hæmorrhoidum hæreditaria dispositio, etenim in talibus subiectis, in quibus molimina aut actualis fluxus præmature etiam absente plethora apparere solent, inanis imo noxius esset conatus, molimina eo collimantia desuefacere & naturæ motus turbare velle, siquidem multo peiora exinde expectanda forent, & habet si alicubi, certe in hoc passu locum Effatum Hippocratis: Naturas ducendas esse, quo vergunt.

Th. XV.

Placet hanc in rem vnicum adducere exemplum: Iuuenis 24. annorum, temperamenti Sanguineo-Melancholici, antea laborioso vitæ generi deditus, patre hæmorrhoidario natus, cum tribus iam annis hæmorrhoides internas menstruas subiisset, præter has æquinoctio autumnali dorsi & cruris vexatur doloribus, qui in ma-



lum Ischiadicum desiere, hoc sequebantur, pustulæ prurientes circa limbum ani, quæ adhibito Vnguento Saturnino Camphorato disparuere, redeunte tamen priore malo, cum dorsi & spasticis vagis arthriticis doloribus scapularum, colli & artuum, hi, accedentibus largis spontaneis matutinis sudoribus arte promotis, sensim euanuere. Aduentante æquinotio Vernali, adhibet Venæ Sectionem præseruatiuam in Pede, nihilominus sequuntur hæmorrhoides cœcæ tumentes, quæ suffragiis cedunt, secus in horum locum multo grauioribus, arthriticis vagis doloribus, a quibus, non nisi prouocatis per hirudinum usum hæmorrhoidibus, liberabatur, & continuata sic versus æquinotia Venæ Sectione & hirudinibus, ab incommodis illis, liber vixit.

#### Th. XVI.

Vestigia hæreditariæ dispositionis legunt, molimina in plethoricis ad hæmorrhoidalem excretionem tendentia, quæ imminutionibus & vicariis actualibus sanguinis euacuationibus non obtemperant, sed obstinate persistunt, aut ad loca inconuenientis & periculosi exitus recurrunt, grauiores ibi inducendo affectus: exemplo Hæmoptyses, Vomitus, Mictus Cruenti, & aliarum incongruarum excretionum hæmorrhagarum.

#### Th. XVII.

Libet huius rei exempla proferre: Vir 40. circiter annorum, temperamenti melancolico-cholerici, aliquot ab annis affectibus pectoris hæmoptylicis detinebatur, qui successu temporis, in dolores cardialgico-emeticos, post adsumtos cibos quotidie magis increbescences, non obstante usu Venæ Sectionis in pede, desinebant, hos in Consilium vocatus Practicus, dato anotericos motus di-  
ver-



vertente puluere Rhabarbarino iuncto stimulo Colocynthiaco, præsentaneæ fustulit, redibant tamen post aliquot dies, & disparuere rursus sub iterato pulueris usu cum leuamine, inconstantitamen. Suadetur hirudinum usus, quem tamen recusabat, potius alium adit Excellentiorum Medicum, hic postquam prauitatem Ventriculi incusasset Vomitorium præbet, cuius usum hyperemesis secuta, accedente amaurosi & actuali excretionem Sanguinis, sub qua cruentam euomit animam.

Alter prægressis in Iuuentute largis narium hæmorrhagiis, in prouectiore ætate vero grauissimis hemicranicis doloribus, initium sensit Catarractæ, quæ nil obstante Venæ Sectione in Pedes, externis discutientibus, internis Mercurialibus laxantibus in dies maius sumebat incrementum, adhibito vero & continuato hirudinum usu cum topicis discutientibus, euauit.

### Th. XVIII.

Ne patientia Lectoris abutar, unicum adhuc proferre mihi liceat exemplum: Vir Sanguineo-Melancholicus 30 aliquot annorum, rheumaticos dolores ante aliquot annos in pede perpeffus, corripitur æquinoctio autumnali diarrhœa torminosa, deiectionibus mucidis sanguineis striis tinctis, tensione hypochondriorum, dolore crucis & tenesmo comite: hanc Medicus in Consilium vocatus pro Dysenteria habens, sistere in & externis stypticis manibus pedibusque conatur, striæ sanguineæ disparent, mucidorum deiectione perseverante; Hinc Dysenteriam albam accusat, sub usu stypticorum deiectionis decrescit, tensione hypochondriorum, doloribus dorsi & tenesmo ingrauescentibus, accedente vna angustia pectoris & momentaneæ strangulationis metu, hæc sæpius secuta deiectione moderatiora fiunt, aguntur talia per ali-



quot hebdomadas, accedens alter Medicus ex relatis, molimina hæmorrhoidalia subesse concludit, eaque cum per aliquot septimanas iam durassent, temperantibus, anodynis & specificis sopire & in tranquillum statum deducere tentabat, ab eorum vero usu & diarrhœa & tormina cum supra dictis incommodis creuere, post meridiem inualecente quotidiano horrore, extremorum frigore & leui æstu, tumore pedum, qui mane euanescere suevit. Dantur tandem sanguinem & vias ad exitum disponentia, & hæmorrhoidalem fluxum prouocantia, sub quorum usu & perrupit, & sensim vna cum diarrhœa & cæteris incommodis disparuit, ægro ad pristinum sanitatis vigorem redeunte.

### Th. XIX.

Restat vt remedia quæ molimina hæmorrhoidalia desuefaciunt, vt & quæ actualement excretionem inducunt, suppeditem. Primum præstant Vicariæ sanguinis immutiones, & euacuationes, euitatio causarum occasionalium, quæ plethoram commouent & vias afficiunt, quales Th. 4. & sequent. recensentur; his subiungantur temperantia & spasmos, congestionum autores, in visceribus abdominis & aliis partibus, resoluentia, nitrosa, cinnabarina, salia media, nec non quæ æqualem sanguinis circulum inducunt, turbas circa Venam Portæ sedant, & tonum partibus restitunt: ex Rad Alexipharmacis, Millefolio, scordio & similibus concinnata, non neglecto motu & potu: habent quoque locum specifica, pro qualibus habetur, Dens hypopotami, Lap. Manati &c.

### Th. XX.

Priusquam autem de remediis excretionem hæmorrhoidalem inducentibus acturus sum, supersunt duo monitu



nitū & memoratu digna: Vnum vt hæc tempeſtiue ſuſcipiatur, dum adhuc vires & viſcerum integritas præſto ſunt, nec in conſuetudinem molimina abi-ere: hæc enim inua-  
leſcente nullum tenent modum, ſed leuiſſima ex cauſa inſurgunt, quod præcipue de excretionem hæmorrhoi-  
dum externarum dictum eſto; quæ tardius inducta moli-  
mina adſuefacta non ſoluit, exemplo motuum ſpaſtico-  
rum: Arthritis, Podagræ, Gonagræ, &c. non enim ces-  
ſant, imo vix mitigantur.

Th. XXI.

Contigit mihi habere Virum per longum tempus  
moliminibus hæmorrhoidalibus externis, ſpaſmodicis,  
arthriticis, ad pedes vsque euagantibus, & hos podagri-  
cis doloribus excruciantibus, vexatum, in quo non ob-  
ſtante larga euacuatione per hirudines, & debito medi-  
caminum uſu, nullus conſtans ſequebatur effectus, ſed  
motus ſpaſtici vix per tres, quatuor dies emanſere, ex  
conſuetudine iterum redeunt. De tardo & inutili in-  
ternarum fluxu in hydrope & hectica conſumatis, in an-  
tecedentibus Th. VI. dictum.

Th. XXII.

Alterum eſt, vt uſum medicaminum excretionem  
hæmorrhoidalem inducentium, præcedat præparatio ita  
dicta corporis, tam humorum, quam viarum. Inanis enim  
foret conatus, immobile, aut etiam mobile per imperuia  
& minus patula loca mouere velle: animus igitur eo diri-  
gendus vt ante omnia humores & viæ ad exitum diſpo-  
ſitæ ſint, obtineri hæc poſſunt, poſt imminutam Venæ ſe-  
ctione in Pede Plethoram, diluentibus, & fluxilitatem  
ſanguini conciliantibus, vnaque vias relaxantibus, qua-  
lia ſunt, ſufficiens corporis motus & copioſior Cere-



vifiæ tenuioris, acidularum aut aliorum decoctorum, & in forma Thee vsualium Infusorum ex herbis Capillari-  
bus, Amaris, Neruinis, mediocribus: Rad. Alexiphar-  
macis. Salibus mediis. Tinct. Antimonii: &c. par-  
cior autem Vini Generosioris, potus, pro diuersitate tem-  
peramentorum ordinandis.

### Th. XXIII.

Hæmorrhoidalem sinceri sanguinis excretionem  
prouocant, tam quæ humores solum, quam quæ vias v-  
na afficiunt. Ad priorum numerum spectant, omnia  
quæ sulphureo copiosiore sanguinem commouente &  
expandente gaudent principio, qualia sunt: Omnia Aro-  
mata, & ex his præparata: Gummi Resinæ: Hederæ.  
Myrrhæ. Ammoniæ. Galbani. &c. Ad posteriorum  
vero, Purgantia: Scamoneum Gialappa, Colocynthis, El-  
leborus & mitissimum Rhabarbarum. &c. De purganti-  
bus in genere notum est, quod tam humores quam vias  
afficiant. Prius testatur lac nutricum, sub vsu purgan-  
tis, tenellos laxans infantes: Posterius strictura & maci-  
lensus post vsum adspectus, dum superficie corporis stri-  
cta, sanguis ad intestina copiosius delegatur. De Aloe  
constat, quod inter centum qui ea abutuntur, vix decem  
a fluxu ad minimum moliminibus hæmorrhoidalibus li-  
beri maneant. Colocynthis & Elleborus tenesnum in-  
ducunt, sub quo ipse Intestinorum mucus & si dosi pec-  
cetur sincerus sanguis exprimi solet; & hæc prudenter ad-  
hibita sanguinem ad loca hæmorrhoidalia potenter inui-  
tant. De Ellebero pulcherrimam tradit obseruationem  
Consultissimus Dominus Præses: Dissert. De hæmorrhoi-  
dibus foeminarum. p. 19. fluxus hæmorrhoidalis per eun-  
dem & emenagoga in foemina plethorica prouocati: huc  
spectant ex præcedentibus composita; Extr. Catholi-  
cum.



cum. Panchym: Crollii Pill. Aloephang: Francofurten-  
ses, & mitissimo effectu Beccherianæ. Tinct. Martis El-  
leborata: &c. Nec male ad inuitandos & revellendos  
ab aliis locis humores adhibentur suppositoria & Clyste-  
res acres.

Th. XXIV.

Supersunt hirudines, quæ interno, præsertim au-  
tem præ omnibus medicamentis externo fluxui opem  
summam ferunt, siquidem sanguinem & inuitant & edu-  
cunt, nec quenquam circumspæctus eorum vsus absque  
solamine & bono effectu relinquet, debitum solum tra-  
ditorum mediorum & pro diuersitate subiectorum ac cir-  
cumstantiarum variantem, expetimus vsus. Diuino  
Numini pro concessis viribus & sic Feliciter  
exantlatis laboribus, grates summas  
dicentes.





**M**acte animo, ne linque pedem, nec retrahere gressum,  
 Emensum stadium declivi perfice gradu,  
 Sit labor eximius, sint Syrtes atque Charybdes,  
 Filum Ariadnæum præsto est. - Sic itur ad astra!  
 Sic via per tenebras ad lucem panditur almam!  
 Obstaculum tandem superat labor improbus omne,  
 Felix qui potuit rerum cognoscere causas!  
 Dum nullum studium subterfugit atque laborem.  
 Virtutem insequitur tandem pede gloria presso,  
 Omnem pro meritis operam decorabit Apollo.  
 Gratus: at auspiciis præsto est felicibus ecce,  
 Et letabundus dignos impertit honores.  
 Gratulor ex animo, totoque e pectore letor,  
 Supremum Numen cumulos superaddat honorum,  
 Aspiret votis, & singula cæpta secundet,  
 Et precor ut memori semper me mente recondas.

ita applaudens scribebat

I. H. POTTER. M. D.

**V**T monumenta meæ pietatis, Frater! haberes,  
 Quanta Tibi potuit munera, mittit amor.  
 Usus amoris enim tecum mihi firmior omni  
 Et fuit, & fiat, scis! adamante velim.  
 Quique sumus vincti studiis communibus ambo,  
 Qua in me tu fueras hac Tibi mente precor:  
 Quam cupis, ut felix posses excolere Φύσιν,  
 Et rota sincero currat ut axe Tua.  
 Prosit! ametque suum Cultorem, cum Ioue Musa,  
 Aegris, & Medico prosit! opemque ferat.  
 Hoc duce namque nouus Medicus celebraberis Herrmann  
 Pauperis & Ditis, Fratris & ore tui.

jure

Ciuis, amoris & generis propinquitate  
 coniunctissimi

STEHL. ANTON. KOCHLATZ,

p. t. Med. Pract. Schemnitzensis,

